

山木居士外集

故都察院左都御史前提督江西學政金公去思碑

故都察院左都御史仁和金公諱德瑛號檜門乾隆六年以翰林院修撰奉

天子命來督江西學政越三年政成

天子以其造士有方晉其秩仍留江西學政任又三年報滿乃還

特提

官去公之始至慮巖棲谷處之士安於卑陋弗克敦崇實學以稱

目筆如格

聖天子求才無遺之至意乃頒學約釐文體教人以通經學古爲

史筆

務其言懇惻詳盡讀者聳然異之既蒞試事士聞其取舍信其教

益相勵於學於是江西十三郡之士家有經傳子史百家之書其

文章恥爲剽竊雷同浮游不根之辭蓋公論文不立規格其能澤
於古而以才自見者雖小軼繩墨亦棄瑕采錄而得一美才輒咨
嗟愛惜惟恐其弗克成故其立教也信而士之服公教也神公在
江西六年凡江西之老師宿儒與夫瑰奇俊偉之後生才俊甄拔
幾盡比其去也而舉於鄉會試出而爲世用者幾及其半自公之
去至於今三十年矣而三年大比士之舉鄉會試卓有名稱號爲
宿學者大抵多公當日之所甄拔者也嗚呼公之教澤遠矣聞公
之風者咸感歎思慕願卓碑載公教以興起承學之士而以辭屬
仕驥迺作詩曰

皇御九重右文稽古煥其經緯貴於下土元年

策士爰得金公

補

親擢第一以振士風公在翰林益懋厥學日惟

主知敢不勤懇

皇鑒其勤命式大邦乃卿

帝命視學西江公來西江嚴嚴翼翼大鑄羣士俾學而殖公之視

寓生

學炯炯眸子別其嫵妍用勸多士士服公教雷霆雨風起其羸瘠

高簡有骨

警彼聵聵聵聵既警羸瘠既起式瞻多士羣材濟濟濟濟羣材維

公之培乘運斯奮秉德不回公培羣材塵塵六載羣材歸之百川

赴海公今遠矣。公教彌長。繫思多士。何日而忘。琢辭於石。以志公
澤於萬斯年。多士是式。

氣清而雄。骨勁而正。詞簡而盡。以此上擬韓歐。庶幾虞文靖之
遺風也。

誥贈資政大夫陳立軒公家廟碑代

○莊○起○

國家之制。凡品官自一命以上。皆得立廟。以祀其高曾祖禰。而廟制之等。則自一品至三品。廟五間。中三爲堂。左右各一。隔以牆。北爲夾室。南爲房。堂南檐三門。房南檐各一門。階五級。庭東西廡各三間。緣以垣。南爲中門。又南爲外門。左右各設側門。堂後楣北設四室。奉高曾祖禰四世。皆昭左。穆右。妣以適配。南嚮。歲以春夏秋冬仲月。擇吉致祭。祭之日。每室前設几。几前供案。堂南總香案一。鑪。槃。具。牲。羊。一。豕。一。祭器。凡案曰俎。曰鉶。曰敦。皆二邊。豆各六。實以脯。腊。羹。飯。果。蔬。之屬。其制如是。自是乃遞差焉。蓋

聖朝以孝治天下。推恩錫類。俾凡大小臣工。各得稱其一身之祿。達其追養之志。典至渥禮至隆也。新城中田之有陳立軒公家廟也。蓋其子凝齋先生始創爲之。而其諸孫後先成之以祀公者也。江西之俗。凡族有宗祠。祀其始遷之祖。其後世咸從而附食焉。蓋地狹民衆。室廬稠密。雖縉紳之家。不能有隙地以立家廟。朔望告薦。僅同士庶行事於其寢而已。及四仲之祭。乃入宗祠而合族以食焉。此其於禮爲簡而於

制亦無悖者也。按公諱世爵。字浣修。號立軒。先世居新城之城內。至公乃遷居中田。公善治生。家日大。及其子凝齋先生以乾隆戊

辰成進士。援例加三級。得

封公爲奉直大夫。又推公之志。

贈公之父西岐公。如其階。公旣沒。凝齋先生乃於居室之東。度地立廟。將奉公之主而祀焉。廟之後。又別立一室。祀西岐公。未及成。而凝齋先生繼沒。其冢孫恕堂先生。方爲浙江金衢嚴觀察。憂歸。遂庀材鳩工。而踵成之。是時乾隆二十六年。恭遇

皇太后七十萬壽。

覃恩。贈公中憲大夫。恕堂先生復援例加三級。

晉贈公爲資政大夫。於是以禮焚黃。奉公及凝齋先生之主。祀於

堂。奉西岐公之主。祀於廟後之別室。已而恕堂先生沒。亦從祀焉。三代皆二品之貴也。廟之立。十有餘年矣。今乾隆三十八年。歲陽在癸。歲陰在巳。其次孫兵部武選司員外郎以假在籍。因其地之卑濕。數被水潦。謀於諸弟諸子。相爽塏之區。卜吉而遷立其上。堂室門廡一如定制。於是時。余奉

命來守建昌。行部新城。過中田。以從叔父湖與凝齋先生同舉禮部試也。聞員外在家。訪而諮焉。而其廟適落成。余乃從員外周遊廟中。仰瞻規制。瑋乎壯哉。員外爰請余文其麗牲之石。余謂員外

君家世德其載於鉅人碑誌傳敘者詳矣今此廟也規朝章展孝敬所以示子孫垂久遠也

聖天子推一本之仁於天下臣工士庶而位益尊者制益隆教孝也而作忠之道寓焉矣君家祖若父當

國家全盛禮教昌明之日克以其才德上承

天寵享有此廟後世子孫其可不思祖德念

皇仁而益知爲人臣子報稱之不易哉且吾聞諸先師孔子卿大

夫以能守其宗廟爲孝書曰位不期驕祿不期侈宋正考父之銘其出曰一命而僂再命而偃三命而俯循牆而走亦莫余敢侮言

愈貴則愈畏慎也。漢萬石君家以孝謹聞乎郡國。是以貴盛無比。高密元侯德盛禮恭。用能保世滋大。今君方以壯年宜力卿曹。而諸弟諸子奮跡科第。馳驅仕路者。相繼而起。其益務精白。乃心恪共厥職。以上答。

聖天子孝治天下之意。卽無負乃祖乃父移孝作忠之心。是君今者欲得文以示子孫之意也。夫員外口然於是。記其語書之於石。凝齋先生諱道恕堂先生諱守誠。今遷廟於茲者。兵部武選司員外郎守詒。乾隆庚寅。

恩科舉人守中。監生候選州同知守訓。辛卯舉人守譽。監生元寬。

允亮附學生員觀也繫之以詩曰有赫斯廟閼敞壯麗翼翼嚴嚴

稽

帝之制

帝推孝思永錫爾類曰維大臣宜隆其祭以褒乃德亦廣乎恩臣
遇如此臣節益勵顯允陳公遭逢斯際父子祖孫階並卿貳既叨
錫命遂大門第廟庭肅穆牲牷咸備絜茲几筵尊酒酌地神來醉
飽容容裔裔上荷

皇仁下福後嗣俾爾子孫繩繩繼繼永念祖德克勤
國事恭謹不懈以保其世世子孫視此牲繫

前路敘次明晰後幅議論崇闳頌不忘規雅而得體絕似虞文

靖公集中文字

受業黃得恒識

皇清誥授光祿大夫太子太保兵部尚書都察院右都御史總督

漕運楊勤懇公神道碑銘

國家漕東南之粟上輸

神倉聯鉅艦以載凡六千九百六十有九艘艘各有運丁丁所僱募能工水手之屬不下數萬人艘入運河沿河左右待募牽纜之夫亦不下數萬人人衆事繁於是各直省並設衛所員弁領運以糾偷惰以察奸慝而必以文武威風知大體可敬信之大臣總其事乾隆二十三年正月清江楊勤懇公以前禮部尚書奉特旨轉兵部尚書補授漕運總督公既視事諮訪利病爬羅剔抉

興之革之與衆同欲慮漕運或有阻滯時與河臣協謀疏濬以時
畜洩俾其通達

上嘉獎焉而公淡泊寧靜化導運官撫卹疲困靡有私求在任十
二年凡糧艘所過安靜不擾沿河居民往來行旅無不帖然三十
三年冬十二月朔薨於位

上聞震悼

賜祭葬如禮

特命予諡凡飾終之典罔不備具嗚呼公之忠誠結
主知

聖天子之知人善任使可謂千載一時何其盛也。明年十二月歸葬日中山祖塋。又二年乾隆辛卯。

恩科會試。公之孫楹珩成進士。出公之行狀及其墓誌以示同年生魯仕驥。俾撰辭以銘其墓道之碑。仕驥後生始進。未能窺測我公公忠體。

國之誠於萬一。奚敢妄有稱述。再拜稽首以辭。楹珩曰。先大父知子久。愛子文章。子其勿辭。仕驥再拜受命。謹按公狀。公諱錫紱。字方來。號蘭畹。江西清江人也。曾祖諱相輔。祖諱文燾。父諱增瑛。三代並以公貴。

誥贈光祿大夫如公官階曾祖妣聶氏祖妣張氏妣張氏並
誥贈一品夫人公生而穎異幼卽端重若成人稍長肆力於學尤
篤嗜宋儒書務求所學有裨實用雍正五年成進士初仕爲吏部
考功司主事陞員外郎中皆在吏部轉貴州道監察御史由御史
出任廣東肇羅道

今上登極元年十月陞署廣西布政使越一年授實六年陞廣西
巡撫九年入爲禮部侍郎十年又出任湖南巡撫十三年丁父憂
去任十五年服闋補刑部侍郎仍出任湖南巡撫十六年丁母憂
十八年服闋仍補授湖南巡撫未到任陞都察院左都御史十九

年署吏部尙書二十年二月仍出署湖南巡撫其年冬入爲禮部
尙書二十一年冬又出署山東巡撫明年春正月遂總督漕運事
二十三年晉太子少師二十八年加太子太保公既自少讀書卽
講求實用及在官試其所學學日以顯故所至內外皆有實政初
仕吏部時明習條例老吏不能欺高安朱文端公深器之其出而
治外也清心寡欲正己率屬汲汲以興水利廣積貯敦學校宏教
化爲事在肇羅道任歲巡視瀕海之田修築圍基絕其水患在廣
西屢平土苗之變並勦捕黔省逆苗而審知獮獍苗民愚而嗜利
其黠者動以挖窖書符煽惑聚衆嚴飭所屬多方緝捕絕其根株

更令實力行保甲法以靖奸匪。凡逆苗田產歸官。卽令苗民承種。收其租以資積貯。借給貧苗。旣勦且撫。安集有方。苗民咸化。屬吏或以人參饋者。公怒却之。入告。

上曰。真不愧四知者。湖南民好健訟。多習邪教。公皆一一嚴懲禁之。又以湖南產穀之鄉。鄰省皆賴以接濟。畜積尤宜加厚。其溢額倉穀。或調支協撥。卽飭所在隨時買補。而長沙岳州常德澧州諸境濱臨洞庭。沿湖田廬全資堤垸護衛。例於每歲秋冬督民修築。然多視爲故事。豪衿蠹胥包攬侵扣。工力不均。推諉延誤。公嚴飭有司。委熟諳堤工實力辦治。而聯月減從時巡視之。察其勤惰。予

以勸懲堤工之成。旣堅且厚。彌望屹立。民以無虞。公凡三莅湖南。父老懼迎如慈父母。其政績之大者如此。其細者不勝書也。公久任封疆。敷歷中外三十餘年。凡所陳奏。悉協大體。而尤關國計民生之大者。在湖南。日以各省水利久廢。愚民不知遠慮。數畝之塘。往往培土爲田。一遇旱乾。卽他膏腴都成棄壤。請飭各省督撫。凡有陂塘處所。嚴禁改墾。

上詔行之。又以湖南每歲採木有司。至苗地視其所有木。輒籍記之。而賤價勒買。商木運至江南私賣。請自後商木憑牙行採買。不得官爲交易。其在苗地者。州縣官爲審問。聽民願賣者買之。運過

展關按驗乃行。遂著爲例。其在漕任最久。敷陳亦最多。
上皆允准施行。是以漕政肅清。軍民胥賴。公既薨。繼公任漕政者。
上皆以遵公約束。

命之所訂。漕運全書。雲門黃公署漕督時表上焉。嗚呼。公真可謂。
不負所學者矣。公爲人寬洪樂易。待人以恕。而自守極嚴。平生於。
聲色貨利一無所好。而以人才爲性命。備長薄藝。靡不記錄。尤加。
意敦崇正學之士。獎誘激勸。如恐不及。居家孝友。惇睦。化其宗族。
鄉黨皆爲仁讓。教子弟一以禮法。綜公生平自始學至宦成居官。
居家視唐權文公。朱范文正。呂正獻二公。靡有愧焉。仕蹟未及見。

公猥以文字辱公之知。深懼弗稱。承櫛珩命。謹著其風節之大者。於阡而系以銘。若其子姓。詳於誌。其所著述。懸於家塾。傳於學士。大夫之口者。可考而知也。銘曰。

聖主御世。賢臣得位。維勤懃公。洪普厥施。初出而仕。見知正人。始終一節。不辱其身。

天子常稱有體有用。

主知既隆。臣節增重。醇儒之學。純臣之心。不懈於位。終日欽欽。淡泊寧靜。其稟也正。學以成之。爰定厥命。廬阜之高。章水之清。公生其間。山川之靈。匪公鍾靈。惟山及水。乾坤正氣。公萃厥美。粹美在。

躬車服以庸。

盛朝用人惟德之崇。維公之德世可法。則遺命子孫。竭誠報

國。有子有孫。世受

國恩。傳公之教。逾久彌敦。公教所垂。豈惟孫子。凡厥志士。孰不仰企。企公之教。仰公之功。齊魯楚粵。慶流無窮。楚粵齊魯。公德所溥。公德之溥。功由

聖主。

聖主用公公績。乃彰於萬斯年。視此銘章。

楊北溪曰。每讀歐陽公所撰王文正范文正神道碑銘。穆然如

見其人今於此文遇之

贈文林郎黃公墓表

昔歐陽子誌杜祁公稱其家法而曾子固氏銘述一時名人鉅公
功德獨亟推楚邱戚氏爲世家謂其文學義行足以立人成俗而
俾宗族子弟世有以法象其賢也吾邑稱世家者推黃氏自元明
以來代多隱德至

國朝有名光會者以鄉舉仕至鄜州知州潔身積行爲學者師公
鄜州之從弟也諱某字某號蔚峰爲人篤於孝友施於宗族事其
父色養備至與兄弟居必極其懽痛其母之不逮養也所以處終
身之喪者必稱其禮有從子幼孤而貧多方爲之計成立俾不失

其所其他以緩急告無弗應者然性嚴毅子弟苟有過雖小必切責不爲之改不止也配夫人某氏知書通經史大意體公之所以事父者事其舅膳羞必潔也體公之所以思母者思其姑祭祀必虔也躬勤儉至老不息相公課其子以讀書所以禮師友賓客者惟恐不至也然其治家也則一以寬嘗笑謂公曰易稱婦子嘻嘻固吝然家人嗃嗃亦不免悔厲也公然其言故公處家雖極嚴而無有違言繫夫人之能輔之以寬也生丈夫子四人曰某監生曰某授職縣丞未任卒曰某乾隆丙辰

恩科舉人任甘肅會寧縣知縣曰某監生孫十一人蘭馨乾隆庚

寅

恩科舉人某貴州正安州知州。餘皆士人曾孫十人。始公爲制義。一循先正規矩。不樂時趨。年三十乃補諸生。屢困鄉試。不遇。及子既得舉。乃慨然謂之曰。吾可以已矣。然子幸而遇當益讀有用書。他日仕宦。能以潔已愛民爲事。庶幾不辱其先。不然。雖官資崇高。吾家之羞也。其子敬聽其言。故其需次於家也。閉一室自署曰介亭。邑子弟來問字者。羣稱介亭先生。及其任會寧也。汲汲民事。廉潔自愛。克嗣鄜州之風。乾隆二十五年遇。覃恩得贈公文林郎。如其官。母爲太孺人。嗚呼。觀公之所以教其

子與子之所以自立者豈非所謂世家者乎是可尙也仕驥之幼也嘗得侍於介亭先生之所以期許者甚至今又辱與公之孫蘭馨同舉於鄉奉介亭先生命表公墓爰不辭而敬綴其世德之大者於篇若其生卒世系子姓之詳載在墓誌茲不著

韓理堂曰風旨宏長文之有裨於世教者

恩貢生候選教諭宋健亭先生墓表

雩都宋健亭先生有三子。皆好學。慕古人之行。長曰昌圖。次曰華國。季曰光國。昌圖華國與余交也久。每爲余稱述先生之行。則及其郡之前輩鄧慕濂先生。以爲先子生平不妄交。獨心敬鄧先生。讀宋儒書。而能實措諸躬行。以是特深契之。且命余兄弟以師禮事焉。嗚呼。觀乎此。可以知先生矣。先生生五月而失母。甫成童而父沒。而卒能奉遺命。以力學敦行爲務。繫先生之自立。則然亦鄧先生有以成之也。先生讀書如鄧先生。以爲孝弟生人之大本。義利人生之大閑。力持於此。然後可以言學矣。故其爲人。薦於倫理。

仁於三族。慎於取與。幼失母。事祖母如母。其於繼母也亦然。有姊病。見諸夢。先生時假館遠地。趣歸省之。則卒久矣。哭諸殯宮。三宿而後反。其弟啓懌。繼母出也。繼母平時以相屬。先生苦心誨導。時舉母訓督率之。愛護之心。老而彌摯。有從弟某早卒。無子。先生爲之擇繼。勸其婦全節。而終表章之。家雖貧。族戚有以匱乏告者。未嘗不量力分給。然其所守極嚴。居恒自食其力。苟非義之財。一毫不妄取也。先生諱啓攸。健亭其字。屢薦鄉闈。不遇餽滿待貢。

乾隆十七年以

皇太后萬壽覃恩。准作恩貢。候選教諭。三十一年八月卒。子昌圖。

邑學生華國拔貢生光國副貢生光國先卒。余既爲表其墓矣。至是昌圖兄弟又乞余表先生墓。乃書其事而饒之於石。鄧先生名元昌。別號白軒。贛縣人。亦以明經老。

唐恒菴曰：用荆公處士征君墓表體筆力簡嚴亦足相配。

宋二厓墓表

雩都宋二厓之卒。其兄道原。雨宜悲之。述其行徧告於所知。乞文以銘其葬。辱及余。余未暇爲也。先以書唁道原。雨宜已而復書曰。二厓葬矣。謝愧。厓爲之銘矣。雖然。願君更有述也。以瞑其目於幽者。今年復以書來請。余乃爲之表。其墓曰。惟君抱過人之遠志。能自拔於俗。以儒先之學。自勵。方日進。而未有已也。不幸德業未就。賁志以沒。年僅二十有九。昔昌黎韓子銘李元賓之墓曰。才高乎當世。而行出乎古人。元賓之卒。年與君同。然得韓子一言。而聲施爛然。至今。今君之志行。不後元賓。然爲韓子者。何人。余所以逡巡。

不敢輕著於文也。雖然，余與道原雨宜交有年，雖未深知君，而君辱惓惓於余，余讀道原雨宜示余書，不勝其愧且恨焉。爲此文，不獨塞道原雨宜之悲，亦以誌余之隱痛也。君諱光國，字尙賓，乾隆乙酉副貢生。生平愛二厓山水之勝，因以自號云。若其世系生卒之詳，載於誌，其交遊之賢，志趣之見，諸語言者有遺文在，讀者可考而知也。乾隆三十九年春，正黎水魯仕驥述。

黃惇甫曰：筆墨矜慎，其不苟於稱許處，正是極稱許處。

皇清勅封太孺人朱母李太夫人墓表

建寧朱梅崖先生葬其母太夫人既援古義自爲文誌太夫人之德行與其生卒年月世系子姓之詳納諸幽復命其學者魯仕驥表之於墓上仕驥謹按太夫人姓李氏建寧西鄉人也其先世世謹愿太夫人生正月元日有瑞徵比長歸贈公公故大家當是時大功以下皆同財食指繁庶太夫人入門舉動一由禮節以是上能得姑氏懽心而下無惡於叔妹娣姒內外嫺戚交重之既舉丈夫子四人皆好學力行克世其業而叔季尤奇偉傑特各以詩歌古文辭震動一世叔子世所稱筠園先生季卽梅崖先生也筠園

先生以乾隆辛酉拔貢遊太學。而梅崖先生以甲子鄉薦第一人登第入詞館。兄弟同居京師。一時鉅公貴人莫不折輩行願與之交。二先生落落然以禮自守。不少詭隨。於是天下之士益想望其風采。思得從之遊。其後梅崖先生出爲縣令。太夫人得受

封章已。而先生請歸終養。乾隆二十六年。太夫人年八十。先生從諸兄後。率孫曾數十進命服於其躬。稱觴上壽。而其縣大夫及四方之士先後來集。羅拜歡呼。觀者嗟嘆。而太夫人自視則欣然也。蓋其性恬淡。不以貧富貴賤欣戚動其心。亦不爲崖絕詭激之行。故其於諸子之得進取也。未嘗以爲喜。其失而挫跌也。亦不以爲

憂其平居布衣疏食處之安然其執內外之喪也嘗三年不御酒
肉家人初亦習忘之久而乃覺之也有妾楊氏恩育備至楊嘗產
子殤太夫人爲憂泣經時太夫人卒後期年楊氏繼卒諸子本太
夫人之志舉其柩從葬焉仕驥竊惟古者陰教修明戶敦內則爲
女子者皆知人道之大其育子之閔也自胎教以至於能食能言
蓋莫不盡心焉故其時人才輩出蒸蒸日上蓋天地清明之氣稟
之者全而養之者素故其長而就學其成材也易後世闔門之禮
或缺不修人之生其間者其稟已不全矣及其長又不知所以爲
教人才之不古若其不以是也與其間有賢豪之士不溺於俗者

考其自出未嘗不有賢母若太夫人者躬和粹之德履中正之行綜其生平一出於禮是固宜克有賢子而享其丕祉者也仕驥承梅崖先生之命既詳次太夫人之行事敬發斯義以爲世之女子之樂有賢子者勸云

楊北溪曰末段議論能發明其所以然是謂得經之意

通許知縣潘嵩岷先生墓誌銘

先生諱甫生字申及號嵩岷仕驥之姑之夫也曾祖一猷祖大璘
康熙乙丑進士授內閣中書舍人仕驥大母之父也父霽康熙己
卯舉人揀選知縣母涂太孺人潘氏故吾邑大家也世以科第顯
而中書公尤篤行一門雍雍孝友禮讓識者推醇儒焉先生之生
也猶及中書公所稟既粹耳濡目染又皆盛德之事故其爲人內
剛外柔卽之藹然可親而久而彌可敬愛然或以非禮試之則介
然不爲之動也仕驥自成童後嘗獲侍於先生二十餘年從未見
其疾言遽色雖子弟有過但正以教之俾其自化不加怒也性好

清靜自先姑之亡年方壯以既有子矣遂不更娶終身閉一室焚香讀書時賦詩鼓琴以自娛然未嘗表暴也與吾父相得甚先大母在日先生歲時必來省問終日相與處不少閒先大母年九十

二吾父以歲貢需次得廬陵縣訓導檄至吾父以終養辭戚友或

飲此三節見世間之愛人以德所謂外柔內剛者也

疑之惟先生與凝齋陳先生道以爲然也乾隆乙酉仕驥邀選拔吾父亦老矣仕驥不與計偕或勸仕驥行謂可因以求仕者先生曰子豈可仕者哉不往是也邑當事有與仕驥故者時相還往先生戒之曰子宜自守以正卽公事非子所宜與也蓋仕驥之所得於先生者如此先生年二十七以邑庠中式康熙甲午舉人屢上

春官不第。乾隆七年。謁選得山西和順縣知縣。丁母艱。未之任。服闋。分發河南候補。屢協賑災傷。規畫悉中條理。既乃補通許縣。在任二年餘。務以躬行化民。丁卯同考試。所得士皆有學行者。無何以失上官意。罷歸。仕驥之所得於先生者。皆先生既歸後事也。蓋先生年八十有二。猶康彊。偶得微疾。卽預書遺令。戒其子勿作行述。仕驥至前省。疾并屬戚友勿爲哀誄之文。以爲繁辭飾聽。非所以遺死者以安也。未幾遂卒。故仕驥於先生少壯之事。不得詳焉。然卽此以求之。則先生之爲人。亦可想而見矣。其卒也。以乾隆三十四年五月二十一日。子一曰銘。太學生。吾姑氏所出也。孫二曰

璉曰昌宰皆太學生先生既罷歸以父母未葬日經營宅兆久之乃得吉壤於西源比卒遂命從葬焉又二年乃納石銘曰德言盛禮言恭粹而純金玉容綴斯銘想遺風

涂詡菴先生曰敘次質實情悃真摯每諷頌一過如挹嵩崖之道貌也銘辭可作像贊

鄉貢進士候選知縣涂訥菴先生墓誌銘

自宋紹興中析南城之東南五鄉置新城縣而先是李泰伯先生實爲縣境內人閱三百餘年當明嘉隆之世徵君鄧潛谷先生出焉其學精究於天人之奧而博觀夫歷代王路之隆汙著爲國史五經繹諸書証同辨異旁推交通聿歸一致其一時之學者若何工部屋馮太僕渠先後繼起莫不各本心得而實措諸行事故新城之士其能有志於學而不靡於俗者類皆聞然爲已不事表襮蓋泰伯潛谷二先生之風尙使然也

國初涂宜振先生以前明冢宰貴公子篤志於學其後人傳其遺

風有太學海門先生學珙者。遇廣昌黃崧甫先生與語悅焉。因館崧甫於家。而俾其子弟從之游。訥菴先生海門之從弟。崧甫之高第弟子也。諱瑞。字榮詔。訥菴其號。當先生師事崧甫時。年方童稚耳。其族兄南池先生登故嘗受業於海門。而與崧甫友善。先生每與聞講論。輒心識焉。自崧甫成進士官部曹。以至出爲郡守。十餘年中。先生閉戶獨學於家。惟數從南池先生考証所得。而與陳凝齋先生道相勵。其行甚勤。凝齋先生亦崧甫弟子也。先生性坦易。與物無忤。居家無所矜飾。其一門羣從子弟甚衆。先生皆身教之。宗族親戚遇疑事。競來質難。其有忿爭者。得先生一言而平。讀書

博觀約取。好稽考成迹。以爲師法。爲文章。未嘗求工。而真意所貫。光明洞達。讀者皆以爲有用之文也。所著有東里文集。經疑編。經濟編。史論編。理學編。皆藏於家。先生生於康熙四十八年二月戊辰。卒於乾隆三十九年十一月丁卯。得年六十有六。舉乾隆十二年鄉試。揀選知縣。娶楊氏。妾某氏。某氏子男子二年。皆甫九歲。仕驥嘗從游於南池凝齋二先生。而辱先生以爲忘年友。先生之卒也。仕驥視含歛焉。南池先生復命仕驥爲志其墓。因歷敘新城之學者。系諸首竊以爲如先生者。真不愧鄉先輩之風也。嗚呼。今其亡矣。銘曰。

道既通。志未窮。手纂筆錄。方緝厥功。將欲託諸庸。胡遽溘然以終。
後有學者。想其遺風。

黃潔齋先生曰。詒菴質行不愧古人。文以嗣響。鄉先輩推之信。
非溢美。中間敘述家風譜系。師友淵源。繁襍中一綫不紊。而詒
菴之所自得處。益見卓然史筆也。

誥封通議大夫光祿寺卿虛亭王公墓誌銘

書法

江南嘉定有隱德通儒以子貴

封通議大夫光祿寺卿王公諱爾達字非聞號虛亭者光祿寺卿

西莊先生鳴盛之本生父也先生以弱冠舉進士第二人歷官

禁近屢司文衡於是時天下人士莫不望之如景星慶雲仰之如

泰山北斗此亦足以觀公之修於身而教於家者矣而先生述公

行以爲天下治平久卽賢者居要職亦止於奉法况一諸生烏有

奇行可紀爲文章數千年纚纚然道其家世之詳與公生平所履

敘事一筆書中間層次如絲之抽一綫

欣戚之故居貧守約之狀而獨稱其性坦易疎直行無町畦其事

貴中

山才力二夕身名四

三

親敬以順其祭祀。肅以誠仁於兄弟宗族。嫺戚鄉黨而不遺於耳。
目所聞見。可矜可惻之事。讀書不治章句。好博覽。熟史事於文章。
尤深於詩。而抒意達情。期於自得。不爲標榜。以邀聲譽。持論有精。
識識。今翰林學士錢公大昕於童子試中。而以女妻之。爲諸生食。
餼三十一年。試輒高等。卒艱於一遇。晚乃貢入成均。候選訓導。而。
受封則已久矣。其大畧如此。蓋先生方以經術文章訓海內。後進。
脩辭必立其誠。其不欲以虛美誣其親也。然自知言之君子觀之。
未嘗不歎公之爲人有隱德。而其學爲通儒也。王氏之族最蕃。公。
系出宋太尉魏國文正公之從子元自北方徙而南。居平江崑山。

之新漕里。累世爲崑山人。至公之考康熙丙子舉人。丹徒縣教諭。封通議大夫諱焜者。始遷嘉定清鏡塘。遂爲嘉定人。祖考諱鎮圭。贈修職郎曾祖考諱在畿。明諸生。公兄弟四人。伯兄諱堅。無子。以西莊先生爲之後。

封通議大夫。公其季也。配朱太淑人。二子。長卽西莊先生。次優行。生鳴韶。女二。諸生顧我澍。翰林學士錢公其壻也。孫男女各六人。公享年七十有六。以乾隆三十三年五月二十八日卒。朱太淑人先卒某年。葬某所。仕驥西江末學。未得見公。猥以文字辱西莊先生。之知先生命誌公墓。謹敘次其事而銘之。銘曰。

有偉丈夫有襟其裾仁行而義趨傳家以儒宏爲世模我銘非諛
家有其書

其體潔其骨正其氣寬博以舒金石文之正則也

受業雲識

汪魚亭墓誌銘

武寧汪魚亭以詩窮晚乃由廩貢生得一官爲吉水縣儒學訓導。不數月而遂卒。其故人新城兵部武選司員外郎陳君約堂傷之。取其孥以來撫卹之。越十年其孤稍克成立矣。於是鉛山蔣編修心餘分宜林明府平園來訪約堂。相與商定選訂其遺詩。約堂遂刻之。而約堂又爲買山以葬其夫婦。蓋君之卒其旅櫬寄於南康之柘林。及其孥來新城五年。而其配葉孺人卒。遂淺厝於茲土。至是將迎其柩而合葬焉。蓋俾其子孫得安居於此也。君詩之刻平園約堂旣序題其端。而心餘爲君傳系諸其後。又俾余爲誌墓之。

文○鳴○呼○君○之○生○平○傳○詳○之○矣○余○獨○悲○君○之○困○窮○以○死○而○誌○其○所○以○
葬○於○茲○土○之○故○用○以○示○其○後○之○人○也○乃○敘○次○其○家○世○而○銘○之○敘○曰○
君○諱○軻○字○輦○雲○魚○亭○其○別○號○也○父○諱○維○型○故○詩○家○著○有○浣○花○居○築○
君○幼○卽○好○爲○詩○甫○冠○學○於○豫○章○書○院○遂○籍○籍○有○詩○名○一○時○當○路○交○
重○之○於○是○江○右○士○之○好○爲○詩○者○莫○不○願○交○懼○於○君○君○亦○負○意○氣○樂○
交○遊○賓○客○填○門○無○虛○日○余○之○初○識○君○也○自○約○堂○所○余○時○方○年○少○聞○
君○名○已○久○未○敢○與○納○交○也○而○君○辱○厚○善○余○引○爲○忘○年○友○顧○是○時○君○
名○旣○盛○而○還○顧○一○時○友○朋○多○後○先○取○科○第○去○君○獨○久○滯○場○屋○鬱○鬱○
不○得○志○酒○酣○或○呼○天○痛○哭○不○已○心○餘○之○母○鍾○太○夫○人○慰○而○誨○之○曰○

天之生物。予之齒者。去其角。傅之翼者。兩其足。子詩名久震矣。一
不得科名。豈遂爲天之困厄子哉。子宜厚自愛。以承天意。然君自
是窮日甚。而鬱鬱不得志。滋極。嘗數訪余於棲靈山中。酒酣痛哭。
如故。余輒舉鍾太夫人之言以解之。君卒無以自解也。遂竟以是
死矣。悲夫。君得年五十有八。以乾隆三十二年三月卒。藥孺人得
年四十有四。以乾隆三十六年十二月卒。子四人。敦淑。敦淳。敦浩。
敦湜。女二人。銘曰。
嗟若人心。悲辛信致。詘詘致信。不有得於身。將以遺其後之人。
蔣心餘先生曰。斷續鳴咽尺幅中。極煙雲舒卷之妙。

鄉貢進士候選知縣鄧君墓誌銘

吾邑有篤行君子鄧君焉。其貌溫溫然，聽其言訥然，如不出諸口。從而叩其學，其胸中深博無涯涘，試其文，日可萬餘言，縱橫上下，無不如意也。與之論事理，古今治術，隆污人物，臧否盛衰，屈伸之數，或指畫文章，利病授徒，講業矻矻然，累日夜不休也。居家篤於孝友，於人無親疎智愚，一以真意相與，或干以非禮，則艷然怒，有不可其意者，雖欲見其顏面，無從也。家甚貧，以教授生徒自給，而非義之財，一毫不苟取也。其爲人如是，故邑人士無識與不識，莫不曰：鄧君，篤行君子其卒也。邑人士無識與不識，又莫不咨嗟。

嘆息曰斯人云亡大雅衰矣君卒之後逾月諸孤狀其生平來請
銘於予予故敬慕君者又與君爲婣好其可以辭按狀君諱士轍
字次蘇號慕穎晚又自號知免曾祖在中明崇正丙子舉人祖鑾
邑學生父洪才乾隆丙辰

恩科舉人鄧氏故吾邑大家君尤世以儒顯君父磊落負奇氣嘗
授徒塞外覽其山川登高而賦識者以爲大用之才也及歸而杜
門一室蕭然以儒素終君爲其少子秉性剛毅而濡染父教藏精
養晦故其學問所成就廉而不剴介而能和人莫不愛而慕之君
以乾隆丁卯舉于鄉七上公車屢薦不售君一不以介意戚友有

欲爲君以貲就教職者。君笑拒之。嗚呼。君之所以自期者遠矣。君卒以乾隆四十年二月壬辰。距生康熙五十五年六月丙辰。得年六十。娶潘氏。有五男子。皆能世其儒業。長兆鳳。邑庠生。次兆勳。乾隆辛卯舉人。次兆鵬。邑庠生。予女壻也。次兆鶴。次兆熊。女子一人。孫四人。銘曰。

樸雕質。畏俗氓。夢晰微。辨似說。囂喧條理逾。精道逾。昏淵哉。若人寶醇真。萬物爭新自。吾陳斂然退。處若無聞。穴經穿子鑽。典墳考終猶不忘。斯文九原可作。如有神。嘗來一笑然。吾言。

敘事一氣搏掄具大神力

光祿寺典簿陳君墓誌銘

光祿寺典簿陳君節菴之卒宗族親戚鄉黨鄰里莫不悲之蓋君
總○字○字○有○力○
自其曾祖暨乃祖乃父皆力敦古義樂善好施至君益擴先世之
善遇善事知無不爲其德之入於人者久且大故人之悲君者深
而至也君諱元字愷齊節菴其自號也曾祖諱世爵太學生候選
州同知初以子貴

誥封奉直大夫繼以孫貴

誥贈中憲大夫晉資政大夫祖諱道乾隆戊辰進士候選知縣授
例加三級以子貴

誥贈中憲大夫晉資政大夫父諱守誠浙江分巡金衢嚴道

誥授中憲大夫復援例加三級晉資政大夫母魯氏

誥封恭人晉夫人君生而醇篤雖富貴子自幼已習知艱難孝身

儉約無聲色狗馬之好故其署曰節菴所以自厲也性復孝友仁

愛父母沒時年甫二十耳君哀瘠之餘出則竭力綜理百務入則

龜勉承事祖母用以慰其哀子之思其待庶母也仁而有禮教育

諸弟也嚴而有恩君之所以施於家庭者如此初君之曾祖嘗慕

宋范文正公贍族之義田而慮經理之難其人也既沒君祖乃爲

父立祭田二千畝卽推其意於中設規條以周族人及君之父又

慕古者大宗收族之義。置田二千畝。俾自乃祖而下。世世適長子。孫王之。創立規條。未就而卒。而君之諸父。以爲宗法廢已久。亦非士庶所能行。行之或反爲子孫累。乃以此田爲君父祭田。俾君兄弟世主之。君竊念此非父意。而重違諸父友愛之心。且諸弟幼。未敢專也。姑應焉。已而諸弟長矣。君相與商謀。願以其田爲義田。俾族人經理。歲積其贏。隨時增益。而曾祖之祭田。則專以供祭。以告諸父。諸父嘉君之能讓。而善繼先志也。從之。又嘗推父母之志。割良田百畝。歸諸舅氏。爲外祖祭田。嗚呼。人始見君處豐而節於自奉。以爲能守其家者耳。及其財賄之際。處之不濫。而施之各當於

是乃歎君之賢也。其遇難處之事，委曲隱忍，用財以彌其隙者，尤人所難。至如矜孤恤寡，立義塚，施棺槨，善藥劑以濟人，抑其淺焉者耳。君體素羸，多病人，固慮其不壽。然以其行事，卜之又謂其應享大年者也。君之卒也，或致歎於爲善不獲報知者，以爲天之報施，善人不於其身，於其子孫而卜其後之能賢也。是固然。然自古身都富貴，年登耄耋者，多矣。沒而有聞者，幾人哉？如君之所爲，可

以不朽矣。君生於乾隆十一年二月乙巳，卒於四十年七月壬子，年僅三十。以太學生捐授今職，娶黃氏，原任陝西漢陰縣知縣黃君道嘉女子，希祖、希曾、希孟女子四人，卽以其年閏十月戊辰葬。

本里傑出嶺左銘曰

年命雖盡其存者長銘以識之千古維章

敘一人而其家世之積仁累行並見可以寬鄙敦薄有關世教

之文

受業黃得恒識

徵仕郎質菴楊公墓誌銘

吾邑世德之家推楊氏其後嗣之昌亦日盛而未有已蓋其先當
宋南渡之際有曰某者由南豐遷居邑西之桃溪歷十四傳至太
學生思岸又由桃溪而遷城內是爲城內楊氏如祖太學爲人通
敏強幹而樂善好施一以寔心行之不以爲名當明萬歷甲寅歲
大祲粟石千錢太學竭其田租之入萬餘石以賑之自是歲無論
豐凶每至青黃不接之際輒出倉穀平糶至崇正壬申丙子壬午
歲屢饑皆賑之壬午之饑尤甚太學粟已竭矣而新猶未登乃重
其價買以繼之太學有六子皆克承父志篤行不倦其長子居曾

邑庠生尤孝友。甲申父沒，哀毀卒。是爲公之曾祖。祖諱日，閭廩貢生。父諱揆，康熙丙子舉人，任山東臨邑知縣。公其三子也。諱忻，字存樸，號質菴。自太學至公，凡五世，世以忠厚節儉傳家。公既胚胎前光，濡染教澤，性尤醇謹，遇人恂恂然，衣冠樸素，無輕環佻達之習。配江太孺人，善持家，家無廢事。有四子：長尙鋆，舉乾隆庚午鄉試，官內閣中書舍人；乾隆辛巳恭遇。

皇太后萬壽，覃恩，公及太孺人皆得受。

封如其官階。次尙鋤，尙鐸，尙鎬，皆太學生。孫七人：以洸，邑庠生，以洪，太學生，餘尙幼也。曾孫三人：公生康熙乙酉卒，乾隆己丑得年。

六十有五、太孺人生康熙丁亥、卒乾隆丙申、年七十、太孺人既卒、
逾月、子孫將奉公柩與太孺人合葬石溪之塘尾、先期來請銘、仕
驥爲公家門壻、故書公家世德也、詳銘曰、
爲善有後、美成在久、嗚呼、宜續而續之、毋斁而促之、是惟後之人、
保先德於不朽、

一舉筆卽寓勸戒之旨、先生文之不苟作也、如是敘次、謹嚴、銘
辭縮束、通篇尤警健有力、受業雲識

太學生吳君慕衡墓誌銘

頓挫無

乾隆四十一年夏吳君賡載乞余銘其伯兄慕衡之葬於是慕衡

限情緒

卒六年矣始慕衡之父將卒遺言謂慕衡必以身任家事而督其

弟讀書以有成時慕衡年僅二十有三賡載十有一歲耳慕衡涕

泣受命已而賡載甫成童卽入學爲諸生乾隆三十五年庚寅

恩科賡載赴鄉試慕衡偕之行歸途感暑得疾卒其明年辛卯賡

載遂舉於鄉人皆太息以爲慕衡之功而惜其不及見也然慕衡

奉父遺命數年之間竟成其志不愧爲人兄不愧爲人子矣宜乎

賡載之欲得銘以報之也慕衡名慶璠慕衡其字號元圃太學生

父諱邦燦貢生例授府同知祖諱賢望附貢生例贈奉政大夫曾
祖諱重縉太學生貤贈奉政大夫慕衡承先世積累嘗出已貲倡
首勸族人積穀祖廟以備凶荒資振濟此亦其可紀者其卒也年
三十娶鄧氏生一子永年一女字陳卜以今年九月壬午葬本里
蠓嶢岡祖塋之側蓋慕衡之祖母與余之祖母同出自潘爲從父
姊妹世以中表親相往來而慕衡幼又嘗從余學故於賡載之請
也不辭而爲之銘銘曰
爲子子有弟弟銘以此視世世。

頓挫跌宕備極風神史歐之遺也

受業雲識

永寧知縣魯公雲崖先生墓誌銘

魯氏自宋循吏有開之子孫由江南亳州遷居江西之南豐。其後有曰佐文者復由南豐遷居新城之中田里。於是新城之中田有魯氏。魯氏之處中田世讀書敦禮讓。洎明之中晚歷時既久族漸繁。士遂多有聲庠序。聞其出而仕者忠義之節德業之著皆卓然有以自立入。

國朝而益顯。科第仕宦相屬。若雲崖先生其一也。先生諱成龍字在田。雲崖其號也。先生幼讀書穎異。年十六爲諸生。二十而舉。乾隆辛酉鄉試。閱八年爲歲之戊辰成進士。又九年選授直隸懷柔。

縣知縣任五年。調繁棗強。又二年。丁母憂歸。服闋補河南永寧縣。
在永寧二年。卒於任。年僅四十有六。先生既早得科第。其自往來。
公車及通籍後。與四方賢士大夫遊。益讀書。好觀史事。以爲此有。
用之學也。性復勤敏。遇事能決。無留滯。故其居官。大吏多稱其能。
然未嘗或失大體。初任懷柔。地小而衝。爲。

史○筆○

皇上歲幸熱河駐蹕之地。先生辦理。

大差。民不知擾。嘗卒遇大水。衝橋梁。鄰邑恐無以卒辦。大吏並委。
先生代辦焉。京北土多瘠。懷柔尤有人滿之患。旗民雜處。食常不。
足。且多火災。先生勸民積穀。每二十五里設倉一所。而荒歉有備。

其救火之法則設爲木籌每火起輒攜至火厰諭令斯民運水互相救應每運水一次則給一籌火止繳籌因其多寡而給犒賞焉其鄰里不相救者有罰自是懷柔火不能災前明戶部主事成介愍公其邑人也國變時闔門殉難先生爲表其墓復訪其後裔僅有一旁支子孫撫於人先生爲贖回捐俸百金爲之婚娶資膏火送入義學俾奉公祀此皆先生爲政之要務也至如遇歲稔不待請命而發粟出借繼乃詳其所以民有積欠不能償者則捐俸爲之代償此則民之所以歌誦不置而大吏羣以爲能者矣其任責強也邑稱富庶而多盜賊先生嚴飭捕役巡緝之盜相戒無犯魯

公境任永寧也。俗多輕生。女子尤甚。每婦姑不相悅。則卑幼自戕。先生諭以尊卑之等。教民孝敬。而其風漸息。有孤子無禮於叔父者。其叔父欲寘之法。訴於前令。前令未忍也。先生至。復訴之。先生曰。以卑犯尊。固當重法。然爾兄止一子。爾竟忍耶。立召孤子。嚴設刑具待之。其叔父泣以請曰。如此無以見兄於地下矣。先生乃薄予懲。剴誨諭之。遂爲叔姪如初。先生之以至性動人如此。先生爲政暇。則與邑人士講論文藝。邑有書院。必加意培植。其於節孝忠義諸祠。皆修舉無缺。以爲此風教所繫也。嗚呼。後世之士。偷惰苟且。妄以爲讀書無益於治及事。至每不知所措。若先生之所以爲。

政者非有得於讀書之功乎。先生生於康熙六十一年六月初三日。卒乾隆三十二年十月十八日。曾祖時化，國學生。封中憲大夫。祖朝用，國學生。捐授知縣。康熙四十四年，山東饑，應募以已財賑濟。泰安州饑，民數千口奉

旨議敘。候選知州。未任而卒。乾隆二十六年，以先生任棗強，貤贈文林郎。父燃，國學生。

封文林郎。母孔氏。

封孺人。配楊孺人。後先生七年卒。子四人。書訓，國學生。書畱，書紳。書秀，孫某人。先生居家篤於倫理。與同母弟友愛無間。及孔太孺

人沒。繼母劉復舉一子。先生在永寧。聞之甚喜。卽欲分俸爲之置產。未及而卒。楊孺人竟爲終其志焉。今諸孤奉先生柩與楊孺人合葬。屬仕驥爲之銘。銘曰。

銘就宗世綴義

才生於天耶。亦資於古學。爲有用底。幾不辱其祖。繫世代之遙遙。後來者寧不思所以自處耶。

黃介亭先生曰。敘述雲崖治懷柔永寧數事實。足以爲居官者法。則故辭繁而不可刪節。而要歸本於學古以成其才。尤爲篤論。此等文字。有裨世道。人心不小。

故女兒陳恭人墓誌銘

乾隆四十一年仲冬朔。兵部武選司員外郎陳君守詒之室魯恭人以疾卒於內寢。將屬纊。端坐顧武選君而言曰。吾爲君家婦。相君不克終。上有老姑。下有稚子。奉養顧復之事。從今闕焉。吾不孝。不義。無恩。無禮。甚矣。我死。必速葬。無以是重堂上老人憂。君亦宜善自愛。無爲我戚戚焉。已。又語其母弟仕驥曰。吾以一弱女子。爲人婦。黽勉三十年。幸無大過愆。遺父母昆弟羞。顧老父在堂。年八十餘。吾旣未有以報。而又以死憂老父。罪滋大矣。汝爲人子。宜有以解老父之憂。無以我死故重悲傷也。我死。誌墓之文。於汝是賴。

但○以○吾○今○所○語○者○刻○之○於○石○俾○後○世○子○孫○知○吾○之○抱○憾○以○終○者○如
是○而○已○其○他○不○足○言○也○語○畢○而○瞑○嗚○呼○吾○同○母○男○女○兄○弟○凡○五○人
○淒○風○苦○雨○之○聲○
繼○母○育○妹○氏○一○人○恭○人○之○生○也○先○吾○一○年○母○氏○沒○吾○年○方○十○四○恭
人○十○五○齡○耳○既○而○各○有○室○家○而○吾○弟○甫○冠○遽○天○死○其○伯○姊○之○字○楊
者○既○已○及○嫁○而○殤○而○次○姊○適○吳○又○中○年○而○寡○吾○與○恭○人○謀○選○於○其
族○置○後○以○安○之○妹○氏○嫁○於○楊○亦○年○二○十○五○而○寡○欲○爲○之○立○後○尙○未
能○也○而○吾○頻○年○來○所○遭○一○家○伯○叔○羣○從○之○喪○叠○見○數○出○孤○兒○寡○婦
梵○梵○無○依○皆○於○我○乎○是○責○是○寡○姊○寡○妹○者○賴○有○恭○人○以○分○其○憂○今
恭○人○又○溘○逝○而○吾○骨○月○之○痛○益○慘○傷○矣○吾○何○能○不○哭○之○慟○也○始○恭

人之歸武選君也。年十七。或慮其於婦事未嫻。既而其姑氏曰。是能佐我治女工於內者也。祖姑氏曰。是能佐我理家政。毛密有條理者也。而庶姑氏亦曰。是其治酒漿。職饋食。吾可與共事者也。其冢婦叔妹皆曰。是能以禮自處。卽以禮處人者也。蓋恭人性本警敏。而濟之以敬慎。明於大義。不爲毫髮私利計。故其于歸。卽能宜於其家如此也。嘗佐武選君綜生事於會城數年。未嘗增一衣飾。其舅凝齋先生病。武選君侍疾。恭人治湯藥。參餌於複室。衣不解帶者兩月餘。已而歸家。姑氏楊太夫人病。躬侍湯藥者亦兩月餘。武選君之之官也。恭人命二妾從行。而自留侍太夫人。其後武選

君假還太夫人既傳家恭人在視寒煖饑飽之節喜愠欣戚之故益周以慎細微曲折無不得其情也祭祀治籩豆必潔而虔家事無鉅細必躬親之武選君性剛直處事或致激亢太過恭人輒委曲潛爲消弭其隙事後婉言規諷武選君未嘗不稱善也平居自奉極儉約然於義所當爲則用財無吝色武選君好善行苦平治路途買穀爲鄉鄰倡首建立義倉費皆不貲恭人皆歡欣鼓舞助○實○境○無○以○情○實○事○自○然○流○○成之故恭人之病也自門以內至於親戚鄰里無不爲恭人禱祀者其卒也無不哭失聲於是武選君慟曰天奪吾閭中益友矣既爲文以紀其實而又舉遺言俾余銘諸幽鳴呼恭人余女兄也其

生也稟淵粹之質其幼也卽習於禮教自其爲女至於終身無不由乎禮者武選君之所紀者信矣余痛夫骨肉之凋喪其辭亦有不得而省者也恭人之子長曰有光邑庠生幼日用光方十歲始生卽命其妾姚氏慈之爲子以姚氏尙未舉子也垂沒重以命之而胡氏妾生一子曰繼光恭人視之如一雖甚愛而督之學極嚴恭人得年四十有六歲有豕孫矣其葬以四十二年八月丙申仕驥涕泣刻其辭於石曰

婢媛兮余兄稟德兮粹清嬪高閨兮著懿聲獨憂勤兮終厥生降年雖不長兮受命亦匪輕余鐫茲辭於幽宮兮獨以伸夫骨肉之

補註所未及

情。

哀至不能爲文而情又不能以已雖繁辭非體亦足見余天屬之不幸如此也丁酉四月初七日書

以哀辭體爲誌誌之變體自歐陽公創始至明唐荆川王遵岩集中多此格而此文情辭之真摯則韓公祭十二郎文之遺也先叔母賢淑之行不能悉數文亦第舉其大者耳然知文者以想見其餘也讀竟爲之三歎

受業陳恭允識

蕭山汪氏世德傳

蕭山汪氏有爲河南淇縣尉以循良著稱諱楷字南有者處士諱之瀚之長子也處士之先徽州婺源人其後遷於浙江之鄞縣又由鄞縣而遷蕭山大義村故處士遂爲蕭山大義村人處士爲人敦本行嘗慨先世歲祀舉廢無常期乃治丙舍植松楸稱墓田廡細立規條酌豐儉之中俾可時修祀事其里黨有忿爭事處士至片言立爲釋之自傷少孤廢學旣生淇縣尉卽委之於學淇縣尉初學爲制舉業有聲以試不偶去習法家言已又去學爲賈遂以資補河南淇縣尉淇縣尉旣之官潔身砥行一以儒者素位之學

處之視囚米省刑具禁獄卒私掠不以猥瑣廢事嘗曰令褫一豪
衿之暴橫平人者又嘗白冤民薄耕方之獄令爲平反之薄耕方
者淇之愿人也。有乳媪與鄰人私匿其室鄰反嗾其夫求婦於薄
弗得誣以謀死訟之官鄰身證焉薄囚繫累年不得屍淇縣尉至
矜其愿心知其誣固密察之已而起他盜賊得媪於鄰室聞之令
令爲抵鄰於法而薄以得釋淇縣人每樂道其事而誦尉之德不
置也淇縣尉居官八年以處士年高引疾歸歸一年而處士卒旣
竭力喪葬而其弟上舍以縱博故破產且多逋負又老母在堂無
以爲養淇縣尉皆身任之乃之粵謀所以爲生計者遂卒於粵淇

縣尉初娶方氏無子妾徐氏生一子處士名之以輝祖曰先人韜
采弗章兒耀之他日告吾墓也方氏沒處士又爲娶王氏以繼之
洪縣尉之卒也王氏年二十八徐氏二十九輝祖生十有一年耳
王氏與徐氏厲志守節上以養老姑而下撫此孤子晝夜操作不
怠上舍故以縱博破產多逋負至是又來求索王氏徐氏盡斥衣
飾以應之上舍乃盡室他徙而老姑獨依兩寡婦以居垂沒歎曰
吾不意婦之賢孝事我至此輝祖奉母教既長籍諸生亦習法家
言客遊以爲養兩母戒之曰汝父故嘗習此而棄去懼其以失誤
捐德也汝其慎之又曰汝父爲吏嘗不得已而笞人輒數目不憚

曰。是人也。受笞得毋以羞。慙傷其生乎。汝往佐人。宜嘗以此爲人言也。徐氏年五十一而卒。旣卒。輝祖以兩母之節行請旌。得建雙節坊於里門。而輝祖以乾隆乙未成進士。王氏乃卒。輝祖述先世事。乞言於人。輒涕泣。人皆稱之曰汪孝子也。

論曰。余嘗讀歐陽氏瀧岡阡表。觀其敘述太夫人所舉崇公之言。行以訓其子者。未嘗不慨然太息也。爲善無不報。而遲速有時。信哉。汪氏自處士君隱德弗耀。淇縣尉位不稱德。兩節母艱難苦節。以成其子。至乃人稱之爲孝子。一門之內。孝友節義之風。鬱鬱藹藹。可謂世德者矣。輝祖方以進士發聞。其他日之顯榮褒大其先。

者。未。知。視。歐。陽。氏。何。如。而。要。其。一。德。之。所。流。貫。充。滿。盈。溢。世。必。有。受。其。澤。者。吾。將。以。驗。其。所。施。之。普。也。

龍莊狀父母事來乞余爲文。余旣譜其家世。綜其要。以爲一家氣。類之相感。以成其世德。於是爲此傳。以歸之。抑有說焉。賢尊蘊覆。露生人之德。限於位。鬱不得施。龍莊涵採遺澤。明習律令。嘗佐人治獄。旣以所聞於賢母者。施於事。少發賢尊之蘊矣。今方需次行。將自爲其所以發抒賢尊之蘊者。日擴而大。更當何如。夫爲吏之道。治獄其一端耳。

天子舉斯世之民付之州縣吏。俾之撫循而教育之。戶口之登耗。

風俗之淳漓。人心之厚薄。以及山原田疇之肥磽美惡。皆於長吏一身是責。吏舉其職。則政理政理而化成。此天下之治所從出也。龍莊講習其故久矣。一受其任。凡所以預籌之於未然而盡其所當然者。必自有要。吾故尤願龍莊之普其施於世也。

敎一門仁孝節行字字筋節如嚴霜烈日中而有和風甘雨景象。讀之使人情厚。跋語欲孝子之普其施於世。尤所謂仁義之言。孝子必能不愧其言也。受業吳晉職

直隸天津府滄州知州徐公行狀

曾祖大熙曾祖妣某氏

祖中安祖妣某氏

父必藻

誥贈奉直大夫母余氏

誥贈宜人

公諱時作字鄴侯號筠亭其先系出漢季徐孺子後宋時由撫州臨川遷居福建建寧縣西九十里曰小嶺下後又遷縣郭之北故世爲建寧人公八歲失怙卽能自勵於學稍長母余太宜人與伯

兄時伯內外交督教之學益勤家貧無所得書則從諸戚友借書手自纂錄誦讀之一日讀范文正公文集考論其行事慨然歎曰讀書人宜如是也自是立心制行一以文正爲法雍正丙午舉於鄉明年成進士漳浦蔡文勤公欲保舉任京秩以願歸家更讀書辭焉居四年選知直隸之成安縣又二年調邢臺又四年調清苑任清苑一年餘陞開州又二年調滄州在滄州一年以太宜人年高歸養是時公年方四十九公爲政以人心風俗爲本順民之所欲而興革之所至則修學舍葺忠孝節義諸祠以風厲衆庶聽獄訟立時審決庭無留獄暇則與士子講論學業在官十二年未嘗

辱一士卽有敗行者以至誠訓誨之俾自悛改而已故公所至士
民咸安之去則謳思而追慕之建祠勒碑以志遺愛不能忘也初
任成安前署令蕭夢簡以平糶爲制府所劾坐以侵蝕追贓賠償
此○人○思○於○生○前○猶○可○伸○於○死○後○
蕭實貧無所得贓顧已誣服矣縊於獄至是委公覆審公審得其
實不得已委曲爲輕其贓而代之賠償更資送其母子還鄉同官
悉感歎焉邑清河村爲漳水所侵有棄地浮糧條銀三百餘金舊
業戶受賠累者四十餘年公爲清查地畝編造魚鱗清冊按畝徵
收舊戶免賠累而征額亦得不廢在邢臺民有控牧羊戶盜其羊
者公憫牧羊戶之貧而老薄責之控者不能平復愬之府已而其

人以符水治病母死送葬多人武弁謂是邪教聚衆密報制府調
兵嚴捕之公力爲昭雪民以無事龍泉寺奸僧與其徒爭產啣恨
積年募得遊方僧二人戕殺之挾其目先是其徒佔廣東流民地
涉訟公既審而杖之矣至是得其死狀僧衆又羣訟流民公廉得
其實遂捕遊方二僧決讞而置奸僧於法其矜察冤獄多如此又
嘗力請豁免水衝沙壓地畝銀之累民者凡二百二十餘兩此皆
邢臺政績之尤卓卓可紀者其調清苑也屬保定首邑甫至會大
水放賑而常平倉粟半朽腐制府欲派屬攤補公力爭以爲不可
制府初不然其言卒乃賢之爲別籌焉又以白事忤監司意不少

屈是時制府官保李公衛也已而李公薨合河孫文定公代其任
賢公抗直特疏薦陞知開州治開州二年除盜安民民以寧謐時
桂林陳相國文恭任天津河道札詢公時政緩急公陳四事曰清
保甲禁游惰比經捕嚴防守文恭皆善之滄州當水陸要衝風俗
驚悍旗兵與民錯雜處夙號難治公至去刻覈之政清戶籍詢疾
苦申鄉約禁健訟民用肅然旗兵當東作之時常乏食倍息稱貸
於富戶公請發倉粟按口給借秋收還倉不加息歲以爲常旗人
咸德之公是時政聲日起當道亦雅知公公得行其志駿駿可大
用矣顧自以居官久心力交瘁須鬢皆白且日念太宜人思得侍

養於是遂告養而歸云公仁孝性成篤於倫理周於三族於朋友故舊懇懇如也尤軫念寒士常思委曲以周卹之初在官之日已

以文正爲法

節縮廉俸次第置遠祖祭田數百畝近祖義田千畝而創室廬以居伯兄仲兄且置田二百畝資邑人士之赴試者及是歸家又爲叔兄構居室公兄弟四人公居其季於是三兄皆有室廬以爲居矣又各爲置田數百畝以資其生尤念幼孤賴伯氏教養誼兼父師會邑修文廟乃以千數百金奉伯兄俾獨力捐修其後達部議敘奉

旨欽賜翰林院主簿公兄弟相顧欣然樂之也於是修祖墓創祖

祠倡首建濰川書院立學約設膏火以贍生徒聘名師以教邑子弟又倡首舉興賢會爲邑人士鄉會試行李之資以前所置田二百畝爲之基更以叔伯兄弟子姓之名增捐租田人以十畝爲率

此曲○體○人○情○處○所○謂○與○人○同○善○也

俾凡樂捐者易於爲力焉自城邑鄉落有餘之家公無不禮先之勤勤懇懇勸其捐輸於中積其贏餘建興賢祠凡捐田入會者奉一主入祠春秋受享或有孝子慈孫爲祖父捐田者公尤嘉獎之形諸紀載見於詠歌於是人益樂於捐輸積田至三千餘畝而建寧士之赴鄉會試者行李有資矣公亦自謂歸田來心力瘁於此舉顧其言曰非我之能乃太宜人之教也蓋太宜人本疎財好義

此○則○以○身○爲○效○矣

此○中○即○爲○教○孝○之○意

自公居官居家凡義事無不諮白而行故雖已老而其爲言猶如此也其捐貲於濰川書院及捐膏火費者亦建育才一祠以報之其諸官社民社諸倉無不竭力成之綜公自歸養以至沒身三十餘年日孳孳爲善居家不治生產而衣服飲食儉約過於寒士稍有餘則置田田穀之所入歲豐則儲積諸倉遇饑歲則出而平糶故公家積穀嘗萬石而建寧附郭之民無憂歲饑也公享年八十一有一生平所著有崇本山堂詩文集閒居偶錄茶堂節錄嘯月亭筆記不求工於文辭然大抵有所聞見嘉言懿行必紀蓋樂道人善者也又自著年譜立興賢會義例冊其他鐫刻前賢遺書及朋

友故舊遺集亦凡十餘種。垂沒顧子孫不及其私。惟命讀書積德。無墜家聲。及護惜所刻書籍而已。仕驥與公之孫家恒同受業於梅崖朱先生之門。嘗以後輩禮見公。而公又命其次孫家泰來從余遊。公之卒也。家恒既述其行系諸年譜之後。復以狀屬仕驥。仕驥竊謂如公之行。

國史循吏卓行當有采焉。故不辭其請。撰次其事如右。謹狀。

敘事詳贍有體。徐公固一時偉人。而此文亦極敘得精神。迸出。

讀之如挹其春風和氣。使人意厚也。

受業雲識

先祖晚年得遇先生。深相契洽。恨相見之晚。以爲身後之託有。

賴矣今讀此狀將先祖生平宦積及居家實事兼舉靡遺而於
興賢會一事尤將先祖數十年經營苦心一一傳出真先祖生
平第一知己也焚香雜誦不勝感泣涕下云

受業徐家泰謹識

皇清賜同進士出身候選知縣在籍終養

覃恩誥贈中憲大夫浙江分巡金衢嚴道加三級晉資政大夫陳

公行狀

曾祖一翰邑庠生妣魯氏

祖以汧邑庠生以公貴

貤贈奉直大夫以曾孫守訓官

覃恩貤贈朝議大夫刑部奉天司員外郎加二級妣李氏

貤贈宜人

覃恩貤贈恭人

考世爵國學生候選州同以公貴

誥封奉直大夫以孫守誠官

覃恩誥贈中憲大夫浙江分巡金衢嚴道加三級晉資政大夫妣
魯氏

誥封宜人

覃恩誥贈恭人晉夫人

公諱道字紹洙號凝齋先代自宋進士孔明籍江西之新城居縣
治世傳儒業至公之父以家落卜宅於新城之西鄉鍾溪居焉乃
去儒爲商賈以治生遂以康熙四十六年五月己巳公於鍾溪

之。湄。公。生。而。端。重。自。童。時。不。爲。兒。嬉。甫。入。塾。晝。從。師。習。業。夜。則。從。父。受。小。學。近。思。錄。父。命。之。曰。吾。家。世。受。此。書。此。爲。學。爲。人。之。本。也。公。卽。莊。敬。誦。之。不。倦。既。成。童。父。經。商。於。外。公。則。佐。母。理。家。事。及。冠。父。以。郡。縣。試。費。日。力。乃。爲。援。例。以。監。生。應。鄉。試。乾。隆。元。年。丙。辰。今。上。御。極。

特。開。恩。科。公。應。江。西。鄉。試。既。呈。薦。以。額。滿。落。解。二。年。奉。父。命。加。捐。貢。生。入。國。子。監。肄。業。是。時。合。河。孫。文。恪。公。主。監。事。一。見。公。卽。許。爲。大。器。而。廣。昌。黃。崧。甫。先。生。永。年。官。刑。部。主。事。工。古。今。文。力。儒。先。之。學。公。更。從。而。師。事。之。先。是。公。爲。文。好。深。湛。之。思。以。江。右。前。輩。爲。法。

及從崧甫遊聞儒先爲學之要益尋繹家傳日致力於日用動靜之際暇則矻矻窮經務得其大意探討史傳以身處之公故饒治事才至是遇事益精於擘畫而文亦浩乎其沛然矣崧甫之友若寧化雷中丞鉉宣城劉觀察方藹雲南傅中丞爲許同鄉前輩司寇劉公吳龍皆海內賢者並折節樂與公交公皆以師友之禮事之而公所自取友則浙江祝人齋先生淦新建夏檀園先生之瀚聚則相與講習正學崧甫於儒先之學不專主一說意在兼集衆長以適用爲貴而獨好羅文泰公書雷中丞祝人齋則力守程朱規矩人齋尤嚴斷斷不少假借公日遊於賢師友間意亦在兼集

衆長以致於用其服膺崧甫之教終不爲他說奪而公之才尤有過人者其發揮於事者尤著雖雷祝諸公亦歎其能自力於學也三年戊午應順天鄉試不遇四年冬省親南還因崧甫先生言而交邑涂南池先生登及其族弟詡菴先生瑞南池先生崧甫之執友而詡菴故嘗受業於崧甫者也公歸益與二先生往復論學而篤守師說益摯日以金谿陸氏居家正本制用二書教於家五年仍入監肄業六年辛酉再應順天鄉試又不遇七年奉父召南還是年秋江西大旱繼之以大風蟲傷秋稼民鮮穫公父時客會城憂鄉里之困也買穀數千石將運歸以平糶及公還則大喜亟命

歸里以賑鄉鄰八年春公歸里新城縣萬山中鍾溪尤僻在一隅
精采素樸質頗多溫飽戶民不知饑饉之苦忽遇大荒少備豫向之溫
飽者皆無以自存矣而稍有贏餘者又方居奇開糴於是窮民益
無所得食而一二桀黠不逞之徒藉端煽惑以搶奪爲事鄉里洶
洶然幾至聚衆公旣歸和調貧富諭以大義而馴柔其桀黠不逞
者諭於衆舉行平糴法或以不均不溥或贏或虧爲慮公悉心規
畫請於邑令頒給十家牌宛轉曉譬俾需糴者人自領牌實填丁
口持牌赴糴計日以授計口以給必均必溥無贏無虧雖婦孺不
致擁擠如是行之衆大謹自春徂夏新穀旣升於是鄉里之貧者

皆○曰○微○陳○公○吾○屬○填○溝○壑○矣○其○富○者○皆○曰○微○陳○公○吾○屬○卧○不○安○席○
矣○自○始○事○及○訖○功○數○月○之○間○公○日○夜○憂○勞○鬚○髮○爲○之○蒼○白○是○時○公○
年○三○十○有○七○耳○公○自○是○請○於○父○家○積○穀○數○千○石○每○於○青○黃○不○接○之○
際○接○濟○鄉○里○一○遇○荒○歉○則○發○而○平○糶○於○是○鄉○里○之○間○皆○知○平○糶○之○
法○之○爲○善○而○舉○事○有○成○規○可○循○矣○九○年○甲○子○公○舉○江○西○鄉○試○乙○丑○
會○試○下○第○南○歸○從○崧○甫○先○生○讞○獄○江○南○多○所○贊○畫○既○歸○念○江○西○前○
輩○遺○書○多○散○佚○欲○網○羅○搜○討○都○爲○一○集○爲○江○西○文○統○屬○南○池○先○生○
綜○其○事○既○而○南○池○先○生○病○不○果○十○三○年○戊○辰○再○會○試○遂○成○進○士○引○
見○歸○班○候○選○知○縣○公○因○援○例○加○三○級○請○

封父母大父母而歸養暇則集親戚鄰里講肄冠昏家祭之禮孝
友睦姻任恤之行於是鄉里之間皆知成人重冠昏重親迎而高
曾祖考之際不可黷於淫祀宗族鄉黨有相繫屬之義矣十五年
崧甫先生以常州知府罷官待勘卒於蘇公聞之痛哭爲經紀其
喪歸其櫬十六年

詔舉經明行修之士郡守金華葉公新夙知公欲舉公以應公固
辭十七年奉父命有事於北歸途聞父訃匍匐奔喪歸治喪葬一
遵古禮必誠必信不用浮屠鼓樂弔客至不飲燕於是鄉里之間
皆知喪葬用浮屠固非卽鼓樂燕客亦非所宜矣旣終葬事本父

遺意立義田。以爲范氏義田。文正公當日自高祖以下。族之食者百口。故千畝之入。足以均其食。然力能自食者。無所需此。不如斟酌其法。變而通之。由始祖以下。以待夫力不能自食者。庶幾君子周急不繼富之義。於是。以二千畝爲父祭田。自歲供祭祀而外。權其所入。以贍族。立爲規條。鰥寡孤獨廢疾者。有養。力不能婚喪者。有贍。有志向學。力不能從師者。有助。應試乏資。斧者。行李有資。於於是鄉里皆知焉。出行。必學。於鄉。實事。是鄉里之間。又知贍族有義田之制矣。是時也。祝人齋先生來弔喪。公旣與之諮諏喪禮。因嘆議禮家言。人人殊。欲薈萃先儒簡要。精義爲一書。俾夫學者童而習之。稍有以窺古聖制禮之意。屬其

此○聖○賢○

事於人齋。以人齋曾自任注禮。且以其年近五十。未舉子。欲俾以

○處○明○友○之○樂○所○以○予○友○之○可○安○也○

著書家居。因資以膏火費。止其客遊也。而公自任春秋。以爲左公

穀三傳傳經。或誣或誕。不但彼此多所牴牾。其於經意亦多違悖。

卽後來胡氏傳義理正矣。而多以己意解經。非聖人本旨。至國語

與左傳互見。亦頗可采。欲於其中擇是去非。以成一書。先是公課

三四兩子。倣袁機仲通鑑紀事本末之例。編輯左氏紀事本末。一

書俾之誦習。至是又刪其駁雜。存其精粹。以課幼子。學者請其書

以嘉惠後學。公歎然曰。此未成之書也。十九年。郡守湘湄姚公修

盱江書院。以膏火費不足。來商於公。公俾次子守詒。輦白金二千

兩助之。姚公欲詳請議敘。公曰。此體賢太守振興人才之意。敢因以爲利哉。固辭之。二十年公選期已屆。以母老終養辭。會是時豫工例開。因命長子守誠應例捐部員外以報効。

國家二十一年。公年五十矣。收集崧甫先生遺集授之梓。因爲崧甫先生行狀。旣成稿。與雷中丞南池訥菴二先生往復商榷。凡數易稿而後定。蓋其慎也。二十四年。長子守誠以守部候選。久加捐外任。選授浙江分巡金衢嚴道。公旣書官戒十六條寄之。旋奉母命親至其署。勗勉之。旣至。則扁舟訪故郡守葉公於其廬。商論學業。又以祝人齋先生旣卒。作文哭之。爲經紀其喪。卹其孤。俾可成。

立未幾母以無疾終公聞訃奔喪痛父母之沒皆不及視含斂日
夜泣血毀瘠甚既終葬事遂得疾二十五年春浙中饑其長子奉
督撫檄採買江西湖廣公念民瘼攸關力疾至章門授以機宜歸
而疾益甚遂以八月乙亥終於聖室臨終兀然端坐顧諸子曰無
擾吾當保此清明之氣已而遂瞑享年五十有四公爲人嚴毅清
苦自少至老未嘗一日怠惰嘗曰憂勤惕厲人生所以成德業也
反是敗矣其言動必由於禮嬉笑怒罵之辭不出於口聲色玩好
遊觀之娛不接於目雖處饒家而衣服飲食儉於寒素夏葛冬裘
歲有常御雖敝不易其閒居肅然其接人也藹然居鄉黨之中人

無貴賤賢愚相接必以誠聞人有善行則獎之惟恐不及苟有過則歔歔歎息若疾病之在其身有可與言者必盡言以規之俾改而後已遇人疾病死喪水火之厄必力振卹之其於三黨至親體卹尤至然不爲姑息之愛必以德成全之後生子弟有相從問學者諄諄誨之不倦嘗以文義訓學者云人之爲義兩足堅立旁無依倚如此方謂之人人而橫開一肩能任大事則可謂大人矣大之上加一畫則天也故記曰人者天地之心人而能爲大人則不愧天地之心矣知此則爲人爲學思過半矣生平讀儒先書體諸身不形諸論說自集崧甫遺書後又以近思錄例集四子書目自

考鏡得失。又集周程張朱陸王鄒文莊公羅文恭公之書之切於
身者爲一編。朝夕省覽。其於文不苟作。有所作必本其中之所得。
爲言嘗曰。讀古人書。行之不暇。何暇以爲文。其所欲注春秋五傳。
尙未成書。所存者僅得古雜文六卷。古今體詩二卷。皆關於倫理。
之大者。其於師友存沒之際。亦足以考見其始終不渝之槩也。仕
驥成童。以制舉業事公公。爲示以正學而戒以勿近名。勿爲口耳
論說。年今五十矣。距公之沒已久。而頑然無所成就。追惟公教。泚
然汗出。惕然恐墜。念公生平篤志儒先之學。仕驥雖淺陋。未敢知
其精微之蘊。於儒先何如。而其所行著見於人耳目者。足以型方。

足以訓俗竊以爲古士大夫之教於其鄉所謂鄉先生沒可祭於社者公其無愧矣。

國家化民成俗采鄉之賢者祀於學宮誠得如公者以應斯典其庶幾足以興起後之學者與今幸去公之世未遠其行事皆有實蹟可稽鄉之人皆歷歷能言之因公之孫曾又從仕驥學制舉業故詳著其行於篇以示之且徵於鄉之人俾後世之舉鄉賢者得有所徵信焉受業門人魯仕驥謹狀。

楊北溪曰向聞凝齋先生學行心鄉往之久矣今讀此狀穆然如見其人益令我興不及見之感也其文纚纚三千言真意淋

滿此不必徵諸鄉之人而知其所敘皆實事也況鄉之人皆歷
歷可徵也久而論定俎豆不朽矣

皇清賜進士出身山西夏縣知縣魯山木先生行狀

曾祖印瑚庠監生曾祖妣王氏

例贈孺人祖寧舉人內閣中書祖妣潘氏

旌表節孝例贈孺人考淮歲貢生廬陵縣儒學訓導妣楊氏

例贈孺人

先生姓魯氏諱九舉榜名仕驥字絜非一字潔騂又曰山木乃先生齋居扁額遠近學者不敢字先生故稱爲山木先生云先代由南豐遷居新城之中田世以儒業顯先生之生爲父母晚子十四歲卽失恃父愛憐之不甚督以學而先生奇偉卓犖異凡兒塾師

更迭皆以大器目之甫就郡縣試郡守金華葉公新卽拔之前列而榜其文於公廨以示同試者先生於是益博覽經史慨然有志於古而力務爲本原之學一日讀王文成公年譜至問塾師讀書何爲對答一段先生卽泣然涕出曰大儒出語自幼不凡陽明先生知讀書當爲聖賢其年祇十二歲耳矧吾今年已過之耶時先生年十五歲也十八歲附籍郡學爲弟子員始受業先祖大夫凝齋公先祖以通籍終養在家一時過從款洽者皆海內正人君子若海寧祝人齋先生淦新建夏植園先生之瀚同時下榻余家先祖與諸君子論說必以先生從先生間出所見質疑問難於二先

生二先生皆許爲可通經學古者寧化雷中丞鉉理學名臣也先
祖居京師與之善乾隆二十一年丙子以右通政出督浙江學政
爲書招先祖往佐校文事先祖以先曾祖母年高未能應聘遂以
先生往先生承命赴浙三年事竣乃歸時幕中所集多大江閩嶠
名士而先生年獨少雷公以書省先祖曰當今海內不乏才俊然
後起有志者如魯生殆不可多得其器重如此先生亦自喜以爲
蘇子由上韓太尉書云於山見嵩華之高於水見黃河之大且深
於人見歐陽公某今所游竊自以爲亦復如之歸而更受業於同
邑南池涂先生登涂先生者故先祖姻黨同行也其學以儒先語

錄爲宗不甚欲以文字顯與其族弟詡菴先生瑞及先祖往復論說皆學者切實體認功夫恥爲雷同標榜之習先祖嘗慨世俗冠婚喪祭之失禮也欲本朱子家禮合

大清會典通俗之禮爲正其失與涂氏二先生斟酌調劑先生居其間互相折衷三先生多取資焉建寧朱梅崖先生仕琇治古文著聞海內久時方改官教授歸先生卽徒步往建寧費以所業古今文先生一見卽許爲著作手自是歲時必彙一歲所作親往省問朱先生受教以爲常二十五年學使揚州謝公歲試拔士至建昌先生以第三人補充郡學生三十年乙酉學使涪州周公以先

生充郡學拔貢生因親老未與

廷試三十五年庚寅

萬壽恩科中本省鄉試明年辛卯會試中式

殿試二甲第二十名

賜進士出身歸班候選知縣先生於是年四十矣其著述流布海
內已久公卿貴人雅重先生欲留先生京師以待入仕機會而先
生以親老亟亟歸子舍時家大人告假在籍亦爲書招先生歸
俾余兄弟得受業焉三十九年甲午四庫館開

朝廷方網羅才俊任以拔讎之役部議進士議敘勞績例以翰林

用先生京師舊游皆爲書招先生赴京先生曰吾寧忍以三公棄
一日之養耶同時川運例開先生之族叔潢從弟蘭枝皆爲書勸
先生由中書出仕且謂中書一途以甲班爲之無異翰林已貴雖
不足親朋皆願効將伯之助先生報族叔書曰某自度迂庸本不
足爲世用而戚族相愛以其有用之財費於某無用之身不如廣
諸人人廣諸人人不如專以濟窮困亦足相天地好生之德時先
生之族叔方任山西忻州牧有豪傑胸襟先生欲勸其以俸入所
羨歸於家廟置義田以贍族人故報書如此其報從弟書曰某念
此時吾家業已有人出仕京外繼此英俊日起尚當有人居家維

持之人亦不可少某雖不肖竊願勉力從事於此至於他年或出或處未敢預定然百里之宰雖曰俗吏而

天子所命戶口之息耗風俗之淳漓繫焉農桑學校苟能盡心未嘗不可報

君恩於萬一先生之審於出處如此先生自通籍後奮然有志范文正公之學以爲朱子論宋朝人物亟推范文正公爲第一蓋在先天下之憂而憂後天下之樂而樂二語此卽陸文安公所云宇宙內事皆學者分內事也館余家至赴選時十九年遠近學者問字必以得入山木先生之門爲幸先生隨其才質高下造就之無

一
二
不一一底於有成其敎學者也每書范文正公置義田贍族一事
榜於學者座右其自立課程也講貫之餘以半日身任里族公事
與人父言慈與人子言孝與鄉農講論尊

君親上之義與士大夫講論惇宗睦族之風曾鳩首於大宗祠捐
義穀千餘石立放收條約於本支祖剋立專廟設立祭田義田迄
今規模大備皆先生力也其維持地方也嘗贊邑當事稽查保甲
謂此一舉也卽周官相保相受之良法而司民掌登萬民之數自
生齒以上皆書於版之精意司牧者時閱其籍而敎養之法卽可
以時調劑之不獨弭奸誣盜之資也又念鄉鄰畜積少每遇饑歲

民多乏食於是會家大人於里中建立廣仁莊更於附近村落徧置義倉俾里中之穀不至搬運出外其記文及規條皆見於先生所刻外集中又偶遇水旱偏災先生卽齋沐爲文遍禱境內名山大川以爲山川爲興雲降雨之所先生積誠所至明神鑒之有禱輒應其後謁選入京師也自先墓以及境內山川里社諸大神皆齋沐爲文告辭而水旱偏災致禱一事尤諄諄爲地方請命今其文皆見於先生未梓集中先生館余家之四年先母爲先生之仲姊棄世時余年二十三歲季弟用光只九歲先生念已身旣鮮兄弟而女兄復不長享其年旣惻然內傷又痛余兄弟之早失恃也

涕泣執余手曰余年十四爲無母兒今子年已弱冠矣爾母又親
見爾爲諸生見爾又生子爾母所得勝於母氏多矣惟爾以顯揚
爲念可也其時用光已出就外傳自先母見背後其寢食起居先
生必與之偕至成童後方少憩先生之精神余同祖伯兄元之卒
也屬其子三人托孤於先生先生涕泣諾之其後維持保護不遺
餘力與待用光同一精心今從姪希祖希曾希孟兩通籍一爲諸
生自甫執筆爲文以至成才未嘗易一師皆先生有以成就之也
先生自通籍後居家十餘年每歲首元旦齋沐作書省間歲科試
及鄉會試座主以爲常其海內賢士大夫若北平朱石君先生翁

覃溪先生仁和胡豫堂先生青浦王述菴先生桐城姚姬傳先生
嘉定王西莊先生長洲彭尺木先生濰縣韓理堂先生皆雅知先
生先生亦於歲首一一致書存問且以商論其學業焉會城大當
事及郡邑當事或與先生同譜者或與先生有一日之知者每先
以禮下逮先生先生恪守部民之誼不敢請謁惟以書報其禮而
已至郡邑當事行部來中田必先造先生之廬先生答拜必極陳
地方利之當興者若何弊之當革者若何此十餘年中其爲吾邑
興利除弊無算而吾里陰受先生之福者尤不知幾何事也四十
五年庚子余外祖稟養先生丁父憂葬祭一遵

大清會典品官禮及朱子家禮先生負盛名遠近求文者衆然居憂三年從不作應酬文字蓋祥琴不御之意也四十七年壬寅服闋選期已及以繼母在堂春秋高遂呈請終養仍居家教授弟子五十三年戊申冬丁繼母憂以禮殯葬五十六年辛亥春服闋謁選入京初製廣東吳川縣引

見調繁改山西夏縣是冬到任先生之治夏縣也惟日以至誠惻怛撫其民其自奉儉約無異在家時內署日用飲食皆有節度取一物於市肆皆以印票勘合俾當堂領價家人吏胥不能中飽其治官事也辨色而起雞鳴不休聽獄折訟必盡其情案無留牘判

決如流甫抵任卽革除弊政四大件民謹呼之以爲我爺復生我
矣次年壬子

皇上巡幸五臺先生承辦

大差敬謹將事自始至終毫無貽誤其事上也凡事之有利於民
者必極陳其當興凡事之有損於民者必極陳其當革自大府以
下交重之是秋分校晉闈得士八人而解首卽出其門揭曉日大
中丞覺羅長公問主司解元出何房主司以六房先生之名應長
公舉觴賀主司曰是必名元魯令本通經學古之士其所薦者必
真衣鉢也主司曰信然是秋山西河東一帶歉收長公檄山西州

縣籌辦平糶事宜先生接奉文檄卽精思其故以爲歉收在本年來春荒正長若如常例糶三存七則本年已去其三來春又去其三只有四分存倉脫來秋又歉收不能買補其將何以爲計於是請通融變通辦法本年只請動社義倉存貯穀石度民食尚可拮据其常平倉穀當留以備來春接濟乃齋沐自作詳稿縷縷數千言直陳所見不假手幕賓長公接閱詳稿卽示方伯潯南蔣公曰魯令如此精心擘畫此豈俗吏所能耶第觀其詳稿手筆亦豈時手幕賓所能耶渠能說之必能行之信山西通省第一賢吏也蔣公曰魯令果古文作手此等事講求有素今行且試之矣長公於

是如其詳檄山西諸州縣以爲法其時先生到任尚未及期年適絳州及汾州府同知缺出長公卽欲以絳州處先生蔣公爭之曰魯令守誠優才誠大然性安靜惴惴無華不若同知職更簡更相稱且此時於保題之例尚不合盍少緩之長公卽忿然作色曰直隸州與同知並秩吾誠不必爲魯令擇然謂於例不符則如此賢吏不及吾在此保題誰爲保題者豈不大負賢吏耶蔣公乃不之爭方擬會銜入

告適長公調任浙撫之

命已下繼撫晉者爲蔣公其事遂寢然論者以爲先生到任未久

而列薦剡誠不合例蔣公所爭信所謂君子愛人以德者而長公欲破格以成就人才亦所謂中心藏之何日忘之者也先生交感之時論亦交賢之然自長公去晉後蔣公繼領節鉞凡先生所稟白事件仍有不介而孚之妙蓋先生宜民之政久爲山西一路所推重本經術爲吏治又爲當世賢公卿素賞識故上游無不刮目相待也今蔣公仍任晉省封疆倘先生久於其任則治績報最蔣公豈不終成長公之志乎不謂在官未及三年積勞成疾遂以五十九年甲寅春卒於夏縣之官署春秋六十有三初先生謁選入京時里中及附近村落居民皆依依不忍先生出先生與之婉約

曰吾四三年行且歸矣居民方日盼望先生之歸不料哭接訃音
遂哭聲震遠近皆曰斯人云亡吾屬何依矣櫬返家門白衣冠迎
者趾相錯踵相接也綜先生一生自始至終憂勤惕勵在家則爲
醇儒在官則爲循吏吾里中終先生之世有不平事但一經先生
解釋無一訟於公庭者今其風少淺夷矣乃始歎先生一身關係
地方有如此者先生之著作所刻以行世者有山木居士外集四
卷宰夏縣時有翠巖雜稿三卷其未梓者尚有文千餘篇其於諸
經周易春秋皆有編次論述於選事有唐宋八大家古文選皆存
於家塾先生之卒也惟長子肇熊侍疾受遺命誠令勿作行述肇

熊凜遵之而以行狀之作屬煦煦爲先生所自出又受學先生最久知先生者無如煦詳因謹撰次其事如右以備

國史他日採擇焉

續繕三分四庫全書館總校

欽賜舉人候補光祿寺署正受業甥陳煦謹狀

賜進士出身山西夏縣知縣魯山木先生墓誌銘

山木魯先生之卒於官也遺命授長子肇熊誠令勿作行述喪歸諸孤以禮殯葬希祖與執紼焉越二年穿壙納石時希祖已來京補官西曹肇熊先期郵書以銘幽文見屬希祖不敢辭謹按先生諱九皋字絜非一字潔騑其曰山木乃先生齋居扁額學者據之以稱先生者也曾祖印瑚庠監生祖宁康熙庚午舉人內閣中書父淮歲貢生選授廬陵縣儒學訓導妣楊孺人訓導公早歲艱嗣晚年始連舉子二先生其長也先生自入小學時卽知爲學大指坐立言笑端重不佻弱冠爲諸生更受業於先曾祖大夫凝齋公

蓋得聞儒先爲學根本又嘗佐授文事於雷翠庭先生幕中所與
游者並一時賢人君子與之上下其議論故其學皆聞然爲己不
事表暴絕去時俗標榜之習人有以理學目先生者先生愀然不
樂謂余何人斯敢以身謗聖賢乎年垂四十乃始以選拔貢生舉
本省鄉試相繼成進士歸班候選知縣是時先生名已籍籍日下
公卿貴人交重先生固留之不可歸家養親教授弟子遠近學者
從而問字踵相接也課業之下與村農量晴占雨講明孝友睦婣
任卹之行尊君親上之旨冀鄉里之中善氣薰蒸成爲風俗故終
先生之世吾里中貧富不相耀緩急皆相通卽有鼠牙雀角但一

經先生解釋和好如初先生之爲政於家也如此自通籍後居家三十年終事父母乃謁選得山西之夏縣先生之爲縣也謹關防約束家人子弟不與宅門外通自宅以內日用薪米皆有節制妻子僅給衣食延幕賓一人掌文移而已其他斷獄聽訟之事不假手焉故幕賓於先生亦謹飭自將也西北百物素有官價大爲民累先生甫下車立除之時大中丞覺羅長公繼至正已率屬知晉省有此陋規檄諸州郡縣禁止前弊先生奉到檄時已自革除半載矣以此聲名直達於大府自藩臬監司而下皆重之以爲庶幾兩漢循吏之風也先生倘久於其任豈不終著大儒之效於天下

耶孰料未及報最之期遽溘然長逝匪特斯民之無福亦斯文之失所恃也祖兄弟幼孤露計自識之無以至今日稍有成就非先生之力而能然乎徒以人事拘綴未獲從先生之官故於先生之卒不及奉遺命焉今也銘先生之幽竟不自知涕泗之何從也先生以雍正壬子閏五月二十三日其卒以乾隆甲寅三月五日享年六十有三配楊孺人子九璧熊國子肄業生癸卯丙午戊申三試呈堂肇光拔貢生爲其叔父後先生三年卒嗣光乾隆壬子舉人爲其從伯父後廸光邑庠生皆楊孺人出學志郡庠生景蘇景陶景范景伊皆幼側室徐山孫應祥邑庠生應禔應祁應禔應

祚降服孫應祐邑庠生應祚曾孫耀曾女五人婚配皆名族先生之
卒也其子孫之長者皆能承先生之學幼亦恂恂然慤實庶幾皆
大先生之業者祖乃忍痛而銘之銘曰

黎水之濱篤生偉人湛深經術模楷人倫大用未展哲人遽傾遺
書具在貽厥有聲我銘斯藏涕泗交橫

賜進士出身

誥授奉直大夫刑部浙江司主事加二級受業門人陳希祖頓首
拜撰

賜進士及第

誥授奉直大夫翰林院編修甲寅乙卯充雲南貴州典試官丙辰
會試同考官加一級受業門人陳希曾頓首拜書

壬子科鄉貢進士揀選知縣受業門人潘蘭生頓首篆蓋